

金石萃編

掃葉山房

唐駝署

發行

金石年編
年表
卷一

金石萃編卷八十四

賜進士出身 誥授光祿大夫刑部右侍郎加七級王昶謨

唐 四十四

裴道安墓誌

銘石高廣各二尺八寸三十三行行三十四字正書在西安府

大唐故朝議郎行尚書祠部員外郎裴君墓誌銘并序

族叔禮部員外郎肱撰兼書

君諱稹字道安河東聞喜人也自桐川建封燉煌爲郡

魏分三祖晉方八王奕代嘉其美口口年載其令德高

祖定周大將軍馮翊太守襲瑯琊公績茂戎昭化成郡

國會祖仁基口左光祿大夫兼河南道討捕大使以陰

圖王充義拔舊主遭時不利玉哲名揚 口口追

贈原州都督命謚曰忠祖行儉禮部尚書兼定襄道行

軍大總管聞喜公贈大尉口口獻既明且哲經文緯武

故事宗於禮闈大熟炳於雲閣孝光庭侍中兼吏部尚

書贈太師謚忠獻器識宏遠墻宇高深亮采 天階

丹青神化君二川淑靈三事鴻烈植貞口之性抱經濟

之才生而聰敏幼而穎悟仁和孝友君子之德日新文

學吏能賢人之業口盛開元初舉孝廉高第弱冠

敕授左千牛備身秩滿轉太子通事舍人 口

哀悼

日青禁朝令可觀風儀有裕歲餘

調補太常寺主簿口口寺署辨口禮法按驗伏藏動盈

累萬卿韋韜欲以昇 聞美 君不求苟祿

固讓厥功口口京地府司錄未上下 太師

憂柴毀骨立始將被性杖而後起口口貳期口口屢

聞寵光是冀爰紆 聖札用勒豐碑仍命

宰臣俾令讚口此乃顯口千古哀榮 九原者也

太師公道不回存亡交變 明主

優口 恩禮時列害其公忠定謚之辰將沮其美

君晝夜泣血號訴聞 天特降口言以旌其實

詔改謚曰忠獻豈非孝感之至以發

皇口報應之期有如影響憂制缺 主上

永言念舊方議賞延命執事與五品官口幸以君口量

清通不欲處之輟地請授史官是日拜起居郎君喪服

外除心喪內疚中議今職遠口 先碑敷奏上

感於 冤旒情禮近傷於冠佩自武德之始迄于

茲日注口所闕四百餘卷南史直筆東掖記言考古而

行怡然理順俄遷尚書祠部郎君才兼口口口典

郊廟續祖訥之清言循樊淮之儒術 明光伏

奏問望攸歸嗚呼天不假年神爽其善視事累月卧疾

弥旬以開元廿八年十二月十九日終于長安光德里
私第春秋卅其

先葬于聞喜之東京原也即

以辛巳歲二月癸丑廿日壬申旋窆于長安萬春鄉神
和原禮也初日者有言曰且有橫厄願攘之君曰苟無
負於神明亦何攘之有生死有命誠性已齊此則達人
之用心也君博識多聞含光育德志希宏濟心鏡元爲
嘗覽太一之書黃公之略每懷遠大自比范張及我宦
成期於身退挂冠投綬卧壑栖林青雲始階黃埃溢至
海內豪雋孰不惋惜嗣子倩等異才動俗純孝通神永
慕寒泉式刊貞石其詞曰

金晉舊國彼汾一方宗門貴仕代有烈光鼎銘義懿蘭
菊垂芳地靈世德之子含章含章伊何載挺時哲口服
教義口紹忠烈詞雖春葩揀貞暮雪珪壁內潤鼓鐘外
徹肅祖一命超侍

清輝就

建禮休澣漳濱移疾方奏

嶙前嶂微茫此室勒銘幽泉永識芳實

按此碑撰書者族叔禮部員外郎裴朏兩唐書無

傳宰相世系表洗馬裴有裴朏重校之子官禮部

郎中當即其人碑叙裴氏先世已詳裴光庭碑其

述撰事惟新唐書附裴行儉傳所載甚略舊史但

云光廷舊史子慎以蔭仕累遷起居郎後授祠部

員外郎卒碑則云開元初舉孝廉授左千牛備身

轉太子通事舍人補太常寺主簿遷京兆府司錄

丁太師憂服除拜起居郎遷尚書祠部郎視史較

詳也世系表則云慎司勳員外郎襲正平縣子與

碑傳異碑云太師公直道不回存亡交變明主優

口恩禮時列害其公忠定謚之辰將沮其美君晝

夜泣血號訴于天特降口言以旌其實詔改謚曰

忠獻是光庭改謚由慎孝感所致也舊光庭傳太

常博士孫琬將議光庭謚以其爲吏部日用循資

格非獎勵之道建議謚爲克時人以爲希蕭嵩意

旨上聞而特下詔賜謚曰忠獻新傳初謚作克平後謚作忠憲餘同

碑與傳互有詳略至新書傳有云開元末壽王瑁

以母寵欲立爲太子慎陳申生異園禍以諫元宗

改容謝之詔授給事中慎曰陛下絕招諫之路爲

日滋久今臣一言而行殊寵則言者將衆何以錫

之帝善其讓止不拜此事碑獨略而不書碑又云

自武德之始迄于茲日注口所闕四百餘卷此似

補起居注之闕者而唐書藝文志有開元起居注

三千六百八十二卷失撰人名積所撰四百餘卷
或卽在其中也碑云嗣子倩等而不著其官位新
書附稹傳後云子倩字容卿歷信州刺史以治行
賜紫服代第五琦爲度支郎中世系表又云正平
縣男傳所不載碑書長安萬春鄉神和原長安志
作神禾原又祈禳之禳作穰想皆通用也竊以辛
已歲爲開元二十九年碑爲向來金石諸家所不
載洵同年高郵沈君方穀業富爲河東轉運便以此
見贈且云與裴氏有親其舊塋上唐宋碑刻甚多
將盡搗之聞而欣然拭目以俟旋以病歸不果至
今追憶爲之惘然

洞清觀鐘款識

款高三尺二寸上闊四尺九寸下闊六尺九寸腰橫
起五稜以界上下其上下共八區每區亦間五稜每
五稜四行字皆一直接下總計十六行行廿八字至
四十字不等其八區首三區無字第四區六行行九
字至十二字不等係金至大年刻第五區四行皆人
姓名似與諸陵十六行字同刻者第六區左行五上
行十一字係宋咸平年刻至第七第八兩區文亦上
下直接七行行十六字至廿一字不等係天祐年刻
但下區末後多書人一行並正書在南康縣

維大唐開元廿九年歲次辛巳閏四月辛巳朔廿八日
戊申女道士蔡淨廉曹淨儀曹紫虛孫雲譽蔡仙經謝
玉耶寂靈觀上座朱處封檀越主蔡方運蔡思奉吳少

表蔡祚樂等勸率衆緣敬造銅鐘一口奉爲國王帝主
牧宰官僚下及蒼生同霑福祐永充洞清觀供養

用銅三百斤

時匠余令玉以上首五稜四行

口廷誠朱守虬曹雲岫及妻蔡五娘蔡邦贍及妻鍾李
定謹孫貞幹蔡仙望蔡口母鍾四娘會四娘謝意謝仙
諒僧調御蔡嶠母朱孫封黃口劉智新蔡朝欣蔡齊炎
蔡承親蔡齊希朱伯巡蔡齊康蔡懷慶曹處貴朱玉貞
鄭仙玉謝賀朝謝獻之黃待微朱惠建朱師雅曹思合
李庭芬蔡口蔡祚封李定廉朱希母歐陽以上次五稜四行
謝口封蔡曼堯爲亡兄璧及嫂劉劉智常李廉母朱二
娘爲亡聿二官蔡公緒蔡恩京李口口蔡化口蔡因業
蔡祚寧朱思齊蔡貞母羅朱思樂鍾虬爲亡孝蔡巍母
劉大娘蔡齡母李夫人蔡尹嗣朱先母蔡鍾嶠爲妻李
氏朱守諫朱守元孫順女道士蔡真仙朱智藏蔡淨智
蔡雲嬌蔡仙勝蔡紫蓋李仙定朱仙臺李仙雲曾雲童
謝紫霄蔡階蔡徽以上又次五稜四行
縣令員元禮丞元仙鳧主簿鍾離延祐尉皇甫玲錄事
朱守寧前錄事沈再思倉督黃處冀朱靈郁劉仙朝劉
俊父及妻蕭大娘趙靈岫及母丘四娘黃御鶴及妻朱
六娘沈壽及母溫八娘劉仙諧鄧庭珪爲亡孝蔡惟舊

明義期李表泓蔡祚合及妻劉大娘蔡推母董三娘為

亡聿護軍曾光庭蔡靈舉為亡妣朱經母蔡為亡聿蔡

妃沒故蔡嬌舍蔡四桑以上末五
被四行

蔡遊嚴 曹雲峯 蔡崇射 宋瑗 朱球珍 吳均

為亡孝 歐陽平 朱千里 曾席母謝二娘 蔡布

妻李四娘 蔡世祥 謝瑛母蔡五娘此在上層為弟
二區統計為弟

區五 弟子虔州百勝判官知勾判南康縣事銀青光祿大夫

檢按戶部尚書兼御史大夫上柱國陽坤當縣洞清觀

銅鍾壹口先平固作孽之時桴擄入峒至天復元年坤

統押將士收破却復前件鍾將歸本縣綠洞清觀傾因

亂罹多年荒廢切見可封里畫錦禪院未有銅鍾今將

轉捨冀保弟子官榮顯達將卒與隆邑內居人同霑福

利鴻音遠布永鎮伽藍天祐元年歲次甲子七月癸亥

朔廿九日辛卯題 院主僧露滿

開元寺僧義全書此以上在末
後上下兩區

准勅省指揮傳題咸平三年拾壹月 日

守縣尉周

守主簿夏侯口

守殿中丞知縣事成口此以上刻在
第六區左行

昭武大將軍南安路總管兼管內勸農事趙國器捨
此洪鍾于本路通真道院承充人天供養者至大二
年己酉歲九月吉日開山住持道士程紹真徒弟程

自謹題此以上刻
第四區

按此鍾本于開元二十九年南康縣女道士蔡淨

源等鑄以充洞清觀供養者淨源等題名其上續

于天祐元年判南康縣事陽坤移置畫錦禪院坤

自刻記于上宋咸平三年知縣事成口等但題名

而無移置之事元至大二年南安路總管趙國器

移充本路通真道院供養道士程紹真等題記蓋

一鐘閱四百四十餘年而三移其所矣唐書地理

志虔州南康郡南康縣屬淮南西道元時陞宋之

南康軍為南安路而南康縣屬焉陽所題云平固

作孽之時桴擄入峒此時當昭宗末季朱全忠兵

犯京師朝廷倉皇為避亂之計昭宗本紀不暇載

及平固作孽其詳不可知矣新唐書本紀僅書天

復元年十二月鍾傳陷吉州似亦平固之餘孽也

夢真容勅

碑高九尺五寸七分廣四尺三寸四分
二十二行行四十四字行書在易州

武功蘇靈芝書并題額

勅旨中書門下兵部尚書兼侍中牛仙客等奏臣等因奏事親承德音陛下謂臣等曰朕自臨御已來向卅年未曾不四更初卽起具衣服禮

尊容蓋所爲蒼生

祈福也昨十數日前因禮謁事畢之後曙色猶未分端坐靜慮有若假寐忽夢見一

真容云吾是汝遠祖

吾之形像可三尺餘今在京城西南一百餘里時人都不知年代之數汝但遣人尋求吾自應見汝當慶流萬

葉享祚無窮吾自度其時今合與汝於興慶中相見汝亦當有大慶吾猶未卽言語畢覺後昭然若有所覩朕

因卽命使兼令諸道士相隨於京城西南求訪果於盤屋縣樓觀東南山阜間遇

真容一昨迎到便於

興慶宮大同殿安置瞻觀與夢中無異者伏以

靈

元大聖降見 尊容感通之徵實符睿德陛下體至真之道崇清靜之源何曾不禮謁虔誠爲蒼生祈福故

得 真容入夢

烈祖表靈求之西南果與夢協

且興慶宮者潛龍舊邸王業所興當此處而告期與嘉名而相會斯迺降於紫府鎮我皇家啟無疆之休論大慶之應陛下爰捨正殿以爲法堂是尊是崇至敬至極殊常之理將万福而俱臻無外皆覃迺億地而同慶臣等昨日伏承聖恩賜許瞻禮自然相好諒絕名言開闢

以來典籍所載未之有也臣等無任慶悅之至謹奉狀陳賀以聞仍請宣示中外編諸簡冊者夢之正者是爲通神於惟 聖容果以誠應豈朕德所致而大道是興再省典靈言猶在耳將貽福業代祀彌口口告以行宮迺置之內殿兼云大慶允屬朕躬稽之道經以慈爲寶當慈育萬姓永荅神期卿等宗臣願揚嘉應所請者依

開元廿九年閏四月廿一日

真容應見

右博州刺史李成裕奏奉閏四月廿一日 勅中書

門下奏請宣示中外者歷觀寶誅會所未聞側捧瑤緘不勝抃躍臣謹按落下閔太初靈云後八百年靈差一日有 聖人正之至 陛下定靈之年正當八百

今又靈元皇帝以 聖明之代來見 真容於夢

寐之間再陳靈應稱 陛下慶流萬葉享祚無窮則

知聖靈昌期合符同契者久矣雖縑緡已載而琬琰未書將何以對越神休光昭睿德臣之愚昧敢以上聞伏請於開元觀具寫 綸言勒於貞石入仙宮而物觀

知 聖祚之天長如允臣所請諸州亦望准此

勅旨依奏

開元廿九年六月一日

鴈門解口光刻

此蘇靈芝書按碑開元帝夢老子真容求得之中南之樓觀博州刺史李成裕奏准諸州同勒石則此碑天下皆刻之金石畧載之云未詳所在余此碑并田仁琬碑得自鄉人之守易州者或在易州今中南樓觀亦有此碑亦靈芝書文同而易州碑稱奉勅旨宰相牛仙客樓觀碑稱張九齡按碑此事在開元二十九年閏四月九齡自二十四年罷相二十五年左遷荊州長史二十八年薨未嘗生至二十九年也似當以易州碑為是樓觀碑經宋翻刻字畫不及易州三舍豈亦謬易其姓名耶

石靈鴈華

真容之夢最為荒迷非惑也乃自作詐以欺藝俗然不自知其為俗所欺也亦顧其臣之將順者不能道以正使如見聖于羹見賢于巖者故以此為美而思依托之耳然而習偽導誣殊失一心大言之體若靈芝之字則縱而有體嚴而不局最為合作宋日隔于異域故諸賢不及見因以自潛此日如新亦物之幸也居身者可于以得師矣

墨林快事

夢真容碑在蓋屋縣樓觀金石文

石墨鵠華論此碑在易州樓觀之異同可謂明確余所收一本稱牛仙客不稱張九齡則此碑亦非樓觀所刻也獨異真容求得之樓觀而碑刻于樓觀者有以牛為張之誤何與余又得刻在古白鵠觀一碑先是堯光所書早已損壞漢乾祐三年楊致柔奉命重書者

觀妙齋金石刻考畧

此非唐原碑乃後人重刻者碑首有重模蘇靈芝書唐老君應見碑十二字可證

關中金石記

右真容應見記東武趙氏題為夢真容碑武功蘇靈芝書今傳於世者有二本一在蓋屋縣一在易州予皆得之文字行欵皆同惟勅內兵部尚書兼侍中牛仙客蓋屋本作張九齡蓋後人惡仙客名輒磨去妄以九齡易之爾舊唐書禮儀志開元二十年閏四月元宗夢京師城南山趾有天尊之像求得之於蓋屋樓觀之側正指此事志稱二十年當作二十九年傳寫有脫文也當是時九齡去位已久諫諍之臣卷舌依諛之言盈耳帝既夙好神仙妄念所惑形于夢寐蓋求治之志荒矣卒之果有幸蜀之禍慶流万葉草祚無窮夢中之語詎有一驗哉李成裕唐書無傳天寶十載以宗正少卿奉命祭北嶽安天王見舊史禮

儀志潛研堂金
石文跋尾

碑言元宗自言夢見元元皇帝余案此漢桓帝故實

元宗踵而行之繇釋老子銘延熹八年八月皇上尙

惠宏道含閔光大存神養性意在凌雲是以潛心黃

軒同符高宗夢見老子尊而祀之可類徵也授堂金
石跋

石壁寺鐵彌勒像頌

碑高七尺七寸三分廣三尺二寸二十三行
行五十八字行書在交城縣石壁山永寧寺

大唐太原府交城縣石壁寺鐵彌勒像頌并序

前漢州郿城縣尉林謬撰

太原府參軍房嶸妻渤海高氏書

朝議郎太原府司錄參軍事常山蘇悅題額

維佛曰覺是法曰空鑒範所謂敬田薰崇可兼意境自

西林宴滅東夏聞教納羣動故廣闢度門詣真幸卽密

傳智印功應沙劫化懸金界支提所以列寰宇建舊所

以遍山林石壁寺者晉之西山禪号石壁谷隨縣西壽

陽縣 唐改壽陽爲文水 先朝分置交城

而立寺焉 太宗昔幸北京文德皇后不豫輦過

蘭若禮謁禪師綽公便解衆寶名珎供養啓願玉衣旋

復金勝遂開因 詔天下名山形勝皆表刹焉所

以報護力廣真諦也口口紺臺之制頗餘

紫禁

之恩禪師尋終官寺初創分身建塔遺跡巋然多寶不

開吾徒安仰年篇四紀紹復六僧脩伽藍者瓊潤脫造

山閣者毅本元竟未雄成且爲能事粵邑幸燉煌張公

令孫清信香緣台鉉英肅隱若敵國知無不爲行春之

餘瞻星開製琢拓巖爰所以面雙峯築基林間所以立

前殿飛廊右轉高門南豁化樞柰燭於虹澗激渠沓藹

於龍鱗附麗張皇公之教也復次寺大衆縣諸吏鄉三

老等端念斷結迴向增修屬廊殿功閑請鼓鑄象設信

施山積稽懇雲奔弦朔再移公難久抑爰容上座普公

日和上萬億之中已經付囑一方之內僉謂導師此處

山泉人間卓絕常歎庭宇淺狹形像卑古既衆心同欲

敢仰屈專知先拾俸錢次添淨觀想望耆闍之往思羣

兜率之留寶臺繫念於儀形華林正觀於神衛倬開元

廿六年十月十五日鑄鐵彌勒像一座良冶攻槩神物

助銅迴祿燕雲而噴鍊飛廉噫風而沸液餒涌鈞外迴

漱金光非普公之摠衆審心調御之慈悲真應則何以

錫尋相好成是福潤十二月八日設大齋而出之都人

嚴護以禮供掌事聚掀而改座鏹刺設色辟瘴起容頃

者都師思九先患兩足綿歷數年醫巫竭精蹇躄生念

忍苦強步有加無瘳當監理之夜忽覺輕舉及成像之

日曳烏如初此則指魔易容如鳥出殼之攝也此寺幽深遠口林壑猛獸不肯濡草羅生列郡旱亢祈之則霖雨闔境歲儉念之則豐饒戎觸加敬警俗整僧此則軒臺不敢西射廬山長存東首也然結構大廈兼寫聖容工不召而來役不言而應始謂陶唐之俗家盡歸依追悟巧妙之徒人皆飭力殿像云畢居處自空此則梵帝輪靈匠育王獻神兵也夫金者物之堅剛像者代之崇奉見不壞想故因感以存實在有爲跡故淨應以住法是梵場也其煩煥乎上座普敬寺主惠進都師思九法師元習大德茂忠守迪常念實定洎龍象法露貞實真華戒珠圓明智劔猛利當對初地甄擇勝於閑安果證中天已授記於文佛卿望王思貞縣吏郝仙壽等五色鸞鸞千里騏驎瓊樹塵瑛玉匣氣浮古署或列於祠鄉虔承遂陪於奈苑奉鍾離之舊政以喜得人心結曇彌之後緣仍爲佛事於獻否往泰來聖作惠出微妙用之發揮匠意表刻紀靈則

我皇之會昌景福天主之示現功利不其茂絕穹谷摩滅蒼岑者哉謬侔倖倖不偶誠敬口口興徒發於蘭栢白林爲頌詞欲徵於靈運石壁言詩貝葉尙記買團線花亦題施樹佛則無愧謹偈銘云

世尊傳虎率天弼勒宴坐對諸仙晉山記石壁寺佛影下來留此地新殿開望昭迴白毫放光照雲隈危樓飲臨懸象翠微濃子洗烟上張公作神鬼諾五十六億龍華樂靈匠罷真僧措八万四千師子駭鎮帝鄉歸梵場法輪轉子衆福證鉢衣拂子聖劫長

開元廿九年歲在辛巳六月庚辰朔廿四日癸卯建右太原府交城縣石壁寺鐵彌勒像頌者林鶚撰參軍房璘妻高氏書余所集錄古文自周秦以下訖於顯德凡爲千卷唐居其十七八其名臣顯達下至山林幽隱之士所書莫不皆有而婦人之書唯此高氏一人爾然其所書刻石存于今者惟此頌與安公美政頌爾二碑筆畫字體遠不相類殆非一人之書疑模刻不同亦不應相遠如此或好事者寓名以爲奇也識者當辨之

集古錄

此房璘妻高氏書高氏又書安公美政頌歐陽公謂字迹如出二手而疑好事者寓名以爲奇余未見美政頌此本借自東璧商觀其筆法道勁信足名家而一經元祐火燬政和間寺主道珍重勒再經大定火燬泰和間寺主元釗又勒銘鍛都亡僅存形似耳金人口苑敗語歷歷可証近吾鄉人有爲交城廣文者

爲言碑今又就燬交城人猶有舊搨本以此觀之當亦非開元刻乃泰和刻也然則碑自元祐至今凡三

燬于火矣何高氏之不幸耶

石壁
鐫華

今在交城縣石壁山寺末有金泰和四年跋

金石文
字記

右石壁寺鐵彌勒頌像其文云石壁谷隨

卽隋隸西

壽陽縣唐改壽陽爲文水先朝分治交城而立寺焉

案隋書地理志文水舊曰受陽開皇十年改焉交城

開皇十六年置是文水之改名交城之置縣皆在隋

時碑以爲唐時改者蓋誤而交城之由文水分則又

史所未及載也又攷元和郡縣志壽陽縣本漢榆次

縣地西晉於此置受陽縣卽今文水縣是也開皇十

年改受陽爲文水縣又於受陽故城別置受陽縣卽

今縣是也貞觀十一年改名壽陽

唐志亦云壽陽貞
觀十一年更名

是壽陽之名是唐初所改隋志書已改之受陽作受

字別置之受陽作壽字似誤碑云隋隸西壽陽縣攷

隋時兩受陽不竝置當因文水在壽陽之西故土

人稱西以別之不云受陽而云壽陽者據後所改而

稱之也

晉研堂金
石文尾跋

按受陽壽陽潛研跋辨之甚晰然尚有未盡者今刻太平寰宇記壽陽縣本漢榆次縣地西晉於此

置壽陽縣屬樂平郡盧諶征艱賦云歷壽陽而總

轡卽謂此晉末省後魏風土記云晉末山戎內侵

徙壽陽之民於太寧

元和郡縣
志作大陵

城南置受陽縣屬

太原郡隋開皇十年改壽陽縣爲文水縣又於壽

陽故城別置壽陽縣屬并州卽今縣是也大業三

年罷州爲太原縣仍屬焉唐武德三年置受州縣

改屬焉貞觀八年廢受州縣屬并州據此則自西

晉至唐貞觀祇作壽陽未嘗有受陽也據魏書地

形志則自晉至魏皆作受陽隋書地理志則文水

縣注云舊曰受陽開皇十年改焉壽陽縣注云開

皇十年改州南受陽爲文水分州東故壽陽置壽

陽詳玩文義改州南受陽當作州西州東故壽陽

當作受陽疑隋志刻誤州東者并州之東也齊周

所置隋大業三年改太原郡故受陽在州東則析

置之文水在州西明矣碑所謂西壽陽縣者卽此

元和郡縣志壽陽縣本漢榆次縣地西晉於此置

受陽縣永嘉後省後魏太武遷戎外出徙受陽之

戶于大陵城置受陽縣卽今文水縣是也開皇十

年改受陽爲文水縣又于受陽故城別置受陽縣

屬并州卽今縣是也大業三年罷州爲太原郡縣

仍屬焉武德三年置受州縣收屬焉貞觀八年廢

受州縣屬并州貞觀十一年更名壽陽是貞觀十

一年以前從無壽陽之名寰宇記傳刻之誤信矣

然稽之舊唐書地理志孟縣云隋縣武德三年置

受州領孟壽陽二縣六年移受州于壽陽貞觀八

年省受州孟復屬并州壽陽云隋舊縣武德三年

屬遼州六年移受州于此領壽陽孟二縣貞觀八

年廢壽州縣隸并州是以壽陽為隋時舊名且於

受州前作受後忽作壽自相抵牾如此可知壽受

二字之易涉訛誤又不獨寰宇記為然矣新唐書獨不誤

兩五代史有郡無縣不能攷其後如文獻通考于壽陽但云晉

舊縣于文水但云漢大陵縣皆不著受陽字鄭氏

通志敘地理仿禹貢之體不詳沿革無可折衷也

此碑既以壽陽之名起于隋復以改壽陽為文水

云在唐時並與隋唐諸史異碑下云先朝分置交

城而立寺焉隋書地理志交城縣開皇十六年置

不始于唐其云先朝唐地理志謂先天二年析置

靈川縣開元二年省依文當云析置靈川非析置

交城也以意度之交城與文水接壤或犬牙相錯

之處隨時彼此析屬而寺址遂隸于交城耳碑云

石壁寺者晉之西山舊號石壁谷山西通志石壁

山在交城縣西北二十里疊巘周環拱列如壁南

有石崖峭削百仞唐建石壁禪寺今為永寧寺

唐儉碑

碑連額高一丈一尺七寸廣四尺行八十五字正書額題唐故特進莒國公禕府君

之碑十二字隸書在醴泉縣昭陵

唐故特進莒國公唐府君之碑

□□□□位括后庸千載之□惟岳□神賢臣承五

百之運是以軒工御紀凡力贊其□□媽炳乘時稷契

匡其景化□□□□□□□□□□□□□□□□

□□□□□□□□□□□□□□□□□□□□□□

□□□□則聲高彥伯之功□□孟堅之表見之開

府莒公矣公諱儉字茂約太原晉陽人也若夫窮□知

遠高辛之化闢□□□□□□□□□□□□□□

□□□□□□□□□□□□□□□□□□□□□□

□□□□於後昆備在□□□□言矣高祖岳後

魏肆州刺史禁止令行有伯山之威福垂訓走學邁仲

□之禮□□祖靈芝齊□□□□□□□□□□□□

□□□□□□□□侍中□□□□左右僕射尚書令

錄尚書事晉昌王抱廊廟之材懷公輔之器同傳險之

威夢類茲泉之人

書

散騎常侍隨

昌郡公

皇朝贈太常卿

司令胤

宰門華胄公侯

奔代簪紱

光禮緝

藻

麗於翰苑雄

於談叢行地方馳

則遺風追電冲天

將舉則切漢摩霄合浦騰暉色映朱

輻之

麗

彩光照

氣

信衣冠

之表

解褐左勳衛昔長卿

之成敗

夷吾之九合

經綸

有陳琳殊健之筆

祭宿構之才

任以文房實諸衆望

拜大將軍府記室加正議大夫

臨

公

萬

將師賁育之兵

千

萬

騎波屬挾西河

如拉朽發并部

若蹇飢行

至呂川秋涼

遂降

戰

弓機不可失時

來僅使官虔息兵

破衰之軍

未卜洪溝

若割滅項之日

未期既鏡良規

遂

聖慮

掌

雖曲逆六奇薛

三策何以加之

以功拜右光祿大夫

授渭北道行軍

司馬元帥

帝

運

安

三宮

之法

陳黃石一卷之書

或面水背山

或先偏後伍

角鳴厚地旌旆

□□□□□平城之勲公□□最進□光祿大夫封

新成縣公尋改爲晉昌郡公食邑二千戶暨受終文祖

肆類繁昌叙□□之切□□□□□□□□□□□

□□□□□凌烟□□□□□□□□□□□於茲逾

浚雞樹所以增華昔孔演宏才將元規而並列王□悟

暢與眞長而其居□□方□□□□□□□□□□□

□□□□□□□□□□雲臺□□□□□□□□□□□

□古□獨何□劉武□□□□□□□□□□控弦之衆竊九

五之位竄萬乘之尊剽邑屠城裂冠毀冕 高祖撰

患釋難拯溺□殘命右僕射□□□□□□□□□□□

□□□□□八陣□□□□□□崇茂□□□□□□□□□

□□使□□□遂陷賊□公觀諸將□□人多庸鄙惟

尉遲敬德頗識事機公示之以安危告之以成敗渙若

水釋翻然改圖雖有此心計猶□□猶□□□□□□□

□□□□□□□□□□□□□□□□□□□□□□□

□□□□□ 詔公爲□州□□□□□使尋拜禮

部尚書賜以懷恩田□□門大章之樂咸究精微春誦

夏絃之禮並窮枝葉李耳通識□□重其□□□□□□

□□ 文帝功齊覆載績邁陶均既答元勲必資美

稱以上將之位昭灼文昌天策之名 映元象特

詔授 太宗文皇帝天策上將然百寮之任妙算時

英以公爲長史實諸禽論尋而逆賊劉闢擁徒冀北挺

□燕南□□□□□□□□□□□□□□□□□之塞雲□□□

□□□□□□□□□□□□□□□□□□□□□□□之略士

卒□摧□□心公□輕□賊城以陳利害不勞飛箭便

□聊城詎假拔旗乃傾趙壁廓清河朔公有□□之功

以公爲幽州□□□□□□□□□□□□□□□□□□□□□

□□□□□□□□□□□□□□□□□□□□□□□□□□□

殘貶踰□□□百城□□豔範兩河仰其風猷而馬邑

之□長導狼望之兇渠越彼長城寂□晉水公扶節□

使居於膚□□□□□□□□□□□□□□□□□□□□□

□□以分□□□□□□□□□□□□□□□□□□□□□

□□□□□□□□□□□□□□□□□□□□□□□□□□□

改□榆關寢其確烽柳室散其部落言長□之域入受

降之城□山谷□□公□□□□□□□□□□□□□□□□□

百戶□□□□□□□□□□□□□□□□□□□□□□□□□

五等誓比於山河三蜀膏腴九折崇□□□僧号之邑

原

不

社追尊龍劒袂服熊羆照門
論道啟沃爲
國本長流濟源
鑿沼聽鳥觀魚福兮所倚祠主
朝聞蟻夜夢
璫瑤鎮
遂草生墳歲月已矣
邪搆惑忠正戀君賢良去國霜露悠
郊原
碑版
德

開元廿九年歲口辛巳口月口口廿口口口口

右唐唐儉碑云儉字茂約而唐書列傳云字茂系又云男尚識尚豫章公主而唐書於儉傳云名善識於公主傳云名茂識皆其差謬此碑開元中儉曾孫追立距儉之歿雖已遠然至名字皆不應有誤可以爲

據也錄金石

此碑在昭陵東南最遠而地僻故傳者極少余至其
下摹一紙真行書輕圓秀勁卓然名家惜無姓氏攷
舊史官爲立碑碑雖殘缺後有夫人河南元氏又有
皇唐開元廿年等字或開元時始建碑耶似不可曉

右唐儉碑真跡三十九行下剝落過半行字不可數
在醴泉縣東北十里許昭陵南向

今在醴泉縣北二十五里小楊村碑已磨滅僅存四
百字

石莒公唐儉碑按本傳祖邕北齊尚書左僕射父鑒隋戎州刺史宰相世系表儉父義字君明隋應州刺史安富公與傳不同此碑儉父名已闕州刺史之上亦闕一字惟碑稱晉昌郡公而表云安富公則表誤矣據表儉之高祖曰令世又不載其官位此云高祖岳北魏爲州刺史亦當以碑爲正碑雖斷裂不能讀其可識者以文義求之與本傳事跡多合惟碑云封新成縣公尋改晉昌郡公史不載新成之封碑云加鴻臚卿史亦不載碑又云人多庸鄙惟尉遲敬德頗識事機公示之以安危告之以成敗大意述儉陷劉武周時密說敬德使降唐而新舊史俱不書者疑其

非實錄也

潛研堂金石文跋尾

按此碑全文約三千三百字磨滅已甚存者一千二百餘字僅三之一撰書人俱不可攷儉卒于顯慶元年陪葬昭陵葬時卽已立碑年久碑斷據碑文前有并口立碑語後有基嘗乏薦貞石斷裂語又舊唐書傳云官爲立碑皆可證也此碑是開元廿九年曾孫重立距葬時逾七十六年矣碑云公諱儉字茂約舊史傳同新傳則云字茂系金石錄已言唐書列傳之差謬可知劉書在宋時久廢不行趙氏未及見之也碑云高祖岳後魏口州刺史口云僕射尙書令晉昌王_{關下}中書口口散騎常侍口州刺史晉昌郡口皇朝贈太常卿唐書宰相世系表儉之儉鑒鑒之父靈芝靈芝之父令世則儉之高祖爲令世與碑異又兩唐書儉傳皆云儉祖邕北齊尙書左僕射北齊書與北史皆有邕傳云邕父靈芝魏壽陽令邕貴贈司空公是靈芝爲儉之曾祖而官封與世系表之作北齊尙書右僕射溫國公者並異也碑于高祖岳後文俱泐無從攷矣北齊書邕傳邕字道和天統初累遷尙書令封晉昌王錄尙書事北史云除中書監仍侍中遷尙

書右僕射與所存字合_{世系表但傳又稱邕降周云尙書令傳}又稱邕降周依例授上開府儀同大將軍再遷戶部轉少司馬封安福郡公遷鳳州刺史則碑俱畧矣傳又云邕有三子長子君明開府儀同三司開皇初卒於應州刺史次子君徹中書舍人隋戎順二州刺史大業中卒于武賁郎將少子君德以邕降周伏法齊朝_{世系表邕長子義字君明隋應州刺史安富公次子鑒隋雍州太守晉昌公三子不載與北史傳}兩唐書儉傳則云父鑒隋戎州刺史以齊書北史證之官戎州刺史者卽是君徹碑尙存中書字亦是君徹初官特晉昌郡口傳不載耳則邕父爲君徹不知何時改名鑒也碑云解褐左勳衛兩書皆畧碑云先君昔在有口與高祖連口口敦莫逆此卽兩傳所云父鑒與高祖善嘗偕典軍衛也碑云太子至晉陽初申通家之交好次論天下之橫流任以文房賞諸衆望拜大將軍府記室加正議大夫以功拜右光祿大夫授渭北道行軍司馬卽兩傳所云儉雅與秦王游同在太原陰說秦王建大計高祖嘗召訪之及大將軍府開授記室參軍渭北道元帥司馬也碑云遷元女三宮之法陳黃石一卷之書唐書藝文志兵家有黃帝問元女法